

**BOSNA I HERCEGOVINA
AGENCIJA ZA RAD I ZAPOŠLJAVANJE BOSNE I HERCEGOVINE**

BUDŽETSKA ORGANIZACIJA / 0710

IZVJEŠTAJ O IZVRŠENJU BUDŽETA
za period od 01.01. - 31.12.2016.godine

Sarajevo, 28.02.2017.godine

OBRAZLOŽENJA O IZVRŠENJU BUDŽETA
prema ekonomskim kategorijama analitičkog kontnog plana
za period 01.01.-31.12.2016. godine

A) STRUKTURA RASHODA

Ukupni rashodi Agencije za rad i zapošljavanje Bosne i Hercegovine (u daljem tekstu: Agencija) za period od 01.01.- 31.12.2016.godine ostvareni su u iznosu od KM 1,119.457.

I - TEKUĆI IZDACI

I-1. Bruto plaće i naknade (grupa konta 6111)

Troškovi bruto plaća i naknada su ostvareni u ukupnom iznosu od KM 817.540, a odnose se na plaće za 31 zaposleno lice u Agenciji na dan 31.12.2016.godine u skladu sa:

- Zakonom o plaćama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16);
- Odlukom o visini osnovice za obračun plaća zaposlenih u institucijama Bosne i Hercegovine („Službeni glasnik BiH“, broj: 61/15);
- Pravilnikom o unutrašnjoj organizaciji Agencije, broj: 04-34-33-15/10 od 07.03.2011. godine i Pravilnikom o izmjenama Pravilnika o unutrašnjoj organizaciji Agencije za rad i zapošljavanje Bosne i Hercegovine broj: 04-07-4-332-5/15 od 04.08.2015. godine.

I-2. Naknade troškova zaposlenih i skupštinskih zastupnika (grupa konta 6112)

U izvještajnom periodu navedene naknade su ostvarene u ukupnom iznosu od KM 87.901 kako slijedi:

- I-2.1. - naknade za prevoz na posao i sa posla isplaćene su u ukupnom iznosu od KM 24.707 što je u skladu sa Odlukom o visini, načinu i postupku ostvarivanja prava za naknadu za prijevoz na posao i prijevoz sa posla za poslenim u institucijama Bosne i Hercegovine („Službeni glasnik BiH“, broj: 4/09, 58/09 i 6/12);
- I-2.2. - naknade za topli obrok isplaćene su u iznosu od KM 38.019 u skladu sa Odlukom o visini naknade za ishranu tokom rada zaposlenim u institucijama Bosne i Hercegovine („Službeni glasnik BiH“, broj: 58/09 i 42/12);
- I-2-3.- regres za godišnji odmor u iznosu od KM 9.303 u skladu sa Odlukom o visini regeresa za 2016. godinu („Službeni glasnik BiH“, broj: 61/15)
- I-2-4.- jubilarne nagrade za stabilnost u radu KM 4.150 u skladu sa Odlukom o načinu i postupku ostvarivanja prava na novčanu naknadu na osnovu jubilarnih nagrada u institucijama BiH („Službeni glasnik BiH“, broj: 58/09 i 65/10)
- I-2.5. - pomoć u slučaju smrti u iznosu od KM 2.490;
- I-2-6.- doprinosi i porezi na naknade po svim osnovama ostvareni su u ukupnom iznosu od KM 9.232.

I-3. Putni troškovi (grupa konta 6131)

Putni troškovi su ostvareni u ukupnom iznosu od KM 77.541, a odnose se na slijedeće:

- I-3.1. - troškove dnevnica u zemlji i inostranstvu u ukupnom iznosu KM 29.407 (u skladu sa Odlukom o visini dnevnica za službena putovanja zaposlenih u institucijama Bosne i Hercegovine („Službeni glasnik BiH“, broj: 32//07, 6//12, i 42/12);
- I-3.2. - troškove smještaja u zemlji i inostranstvu u ukupnom iznosu od KM 26.114;
- I-3.3. -troškove prevoza u zemlji i inostranstvu javnim i službenim sredstvima, kao i ličnim vozilom u zemlji i inostranstvu u ukupnom iznosu od KM 21.165;
(Od ukupnog iznosa gore navedenih troškova, na troškove prevoza u zemlji i inostranstvu službenim sredstvima i ličnim vozilom odnosi se iznos od KM 1.799);
- I-3.4. - ostale naknade putnih i drugih troškova u iznosu od KM 858.

Izdaci su realizovani u skladu sa Pravilnikom o načinu i postupku ostvarivanja prava zaposlenih u Agenciji za rad i zapošljavanje BiH na naknadu za službeno putovanje, broj: 04-02-2-661/12 od 06.12.2012. godine

I-4. Izdaci za telefonske i poštanske usluge (grupa konta 6132)

Navedeni izdaci ostvareni su u ukupnom iznosu od KM 15.457, a čine ih:

- I-4.1. - izdaci za fiksne telefone u iznosu od KM 7.356;
- I-4.2. - izdaci za mobilne telefone u iznosu od KM 4.838;

I-4.3. - izdaci za internet u iznosu od KM 593;

I-4.4. - izdaci za poštanske usluge iznosu od KM 2.672.

Izdaci su realizovani u skladu sa Pravilnikom o korištenju telefona Agencije za rad i zapošljavanje, broj: 02-02-2-610/14 od 31.12.2014. godine.

I-5. Izdaci za električnu energiju i komunalne usluge (grupa konta 6133)

Izdaci su ostvareni u ukupnom iznosu od KM 9.798, a odnose se na troškove:

I-5.1. - električne energije u iznosu od KM 6.361;

I-5.2. - centralnog grijanja -plina po fakturama JU "Služba za zapošljavanje Kantona Sarajevo" Sarajevo u iznosu od KM 2.970 (Na osnovu Sporazuma broj 01-04-16-711/07 od 27.12.2007.godine o nabavci lož ulja za potrebe kotlovnice u poslovnom objektu ulica Đoke Mazalića broj 3, Sarajevo).

I-5.3. - ostalih usluga za odvoz smeća i održavanje čistoće u iznosu od KM 466.

I-6. Izdaci za nabavku materijala (grupa konta 6134)

Ovi izdaci su ostvareni u ukupnom iznosu od KM 8.843, a odnose se na troškove:

I-6-1.-izdaci za obrasce i papir u iznosu od KM 2.298;

I-6-2.-izdaci za kompjuterski materijal i ostali administrativni materijal u iznosu od KM 3.066;

I-6-3.-izdaci za auto gume u iznosu od KM 998;

I-6-4.-izdaci za materijal za čišćenje u iznosu od KM 2.340;

I-6-5.-troškove HTZ opteme i sitnog inventara u iznosu od KM 141.

I-7. Izdaci za usluge prevoza i goriva (grupa konta 6135)

Navedeni izdaci su ostvareni u ukupnom iznosu od KM 4.597, a odnose se na sljedeće:

I-7.1.- nabavku goriva-benzin u iznosu od KM 1.498;

I-7.2.- dizel u iznosu od KM 2.616;

I-7-3.- registraciju motornih vozila u iznosu od KM 482.

Izdaci su realizovani u skladu sa Pravilnikom o uslovima nabavke i korištenja službenih vozila Agencije za rad i zapošljavanje BiH, broj: 02-02-2-611/14 od 31.12.2014. godine.

I-8. Troškovi zakupa (grupa konta 6136)

U izvještajnom periodu troškova zakupa nije bilo.

I-9. Izdaci za tekuće održavanje (grupa konta 6137)

Ovi izdaci su ostvareni u ukupnom iznosu od KM 10.997, a odnose se na troškove:

I-9.1 – usluge i materijal za opravku i održavanje zgrade u iznosu od KM 1.286;

I-9.2.- usluga i materijala za opravku i održavanje opreme u iznosu od KM 7.088;

I-9.3.- usluga i materijala za opravku i održavanje vozila u iznosu od KM 1.109;

I-9.4.- usluge pranja i parkinga motornih vozila i ostalo u iznosu od KM 716;

I-9.5.- usluge održavanja softvera u iznosu od KM 799.

I-10. Izdaci za osiguranje i bankarske usluge (grupa konta 6138)

Navedeni izdaci su ostvareni u ukupnom iznosu od KM 3.589 a odnose se na troškove:

I-10.1 - osiguranje imovine u iznosu KM 978;

I-10.2 - osiguranje vozila u iznosu od KM 2.083;

I-10.3 - osiguranje zaposlenih pri odlasku na službeni put u iznosu od KM 529.

I-11. Izdaci za ugovorene i druge posebne usluge (grupa konta 6139)

U izvještajnom periodu navedeni izdaci su ostvareni u ukupnom iznosu od KM 13.452, a odnose se na sljedeće troškove:

I-11.1. - usluge informisanja i odnosa sa javnošću (pretplate na časopise, objave oglasa i sl.) u iznosu od KM 2.667;

I-11.2. - troškovi reprezentacije u iznosu od KM 5.868, a odnose se ugostiteljske usluge i troškove reprezentacije u kabinetu (sokovi, kafa);

I-11.3. - usluge održavanja konvencija i stručnog obrazovanja u iznosu od KM 1.454;

I-11.4.- ugovori o djelu u iznosu od KM 1.990;

I-11.5.- porezi i doprinosi u iznosu od KM 359;

I-11.6.- ostale nespomenute usluge i dažbine u iznosu od KM 1.114, a odnose se na uplate raznih članarina.

Izdaci za reprezentaciju realizovani su u skladu sa Pravilnikom o korištenju sredstava reprezentacije Agencije za rad i zapošljavanje BiH, broj: 02-02-2-611/14 od 31.12.2014. godine i Izmjenama Pravilnika o korištenju sredstava reprezentacije u Agencije za rad i zapošljavanje BiH, broj: 01-02-2-609-1/15 od 04.11.2015. godine.

II –KAPITALNI IZDACI

U izvještajnom periodu izvršena je nabavka stalnih sredstava (opreme) u vrijednosti KM 69.740,01. Prodajom stalnih sredstava ostvaren je prihod u iznosu KM 6.980,00. Iznos od KM 3.000,00 iskorišten je za nabavku stalnih sredstava (motorno vozilo). (Detaljno prikazano u Obrascu 6/1-pregled kapitalnih ulaganja po vrstama i projektima, a obrazloženo u dijelu D ovog Izvještaja).

B) UZROCI ODSTUPANJA IZVRŠENJA U TEKUĆEM OD IZVRŠENJA U ISTOM RAZDOBLJU PRETHODNE GODINE

B-I- TEKUĆI IZDACI

- Bruto plaće i naknade

Odstupanje troškova zaposlenih (bruto plaće i naknade troškova zaposlenih) od troškova uporednog perioda prethodne godine nastalo je iz razloga što je izvršena popuna radnog mjesta rukovoditelja institucije koje nije bilo popunjeno u .2015. godini. Navedeno je detaljno prikazano u dijelu ovog Izvještaja pod A (I-1-I-11) i na Obrascu br. 2 datom u prilogu, pod nazivom "Pregled rashoda budžeta po ekonomskim kategorijama".

- Putni troškovi

Putni troškovi su na nivou uporednog perioda prethodne godine. U skladu su sa operativnim aktivnostima Agencije

- Izdaci za usluge prevoza i goriva

Troškovi prevoza i goriva su u skladu sa planiranim aktivnostima.

-Ostali tekući izdaci su na nivou uporednog perioda.

Navedeno je detaljno prikazano u dijelu ovog Izvještaja pod A (I-1-11) i na Obrascu br. 2 datom u prilogu, pod nazivom "Pregled rashoda budžeta po ekonomskim kategorijama"

C) BROJ UPOSLENIH

Od ukupnog broja sistematizovanih radnih mjesta (33) popuna je izvršena za 31.

D) STALNA SREDSTVA

- Stalna sredstava u obliku stvari i prava

1) Stalna sredstva (nabavke,donacije,amortizacija, manjak i rashod)

Nabavke

U izvještajnom periodu izvršena je nabavka stalnih sredstava u vrijednosti KM 69.740, kako slijedi :

- kompjuterska oprama vrijednosti KM 19.750,
- putničko motorno vozilo marke Passat 2,0 TDI nabavne vrijednosti KM 49.990.

Amortizacija

Obračun amortizacije stalnih sredstava izvršen je na dan 31.12.2016.godine, po stopama iz Nomenklature sredstava za amortizaciju i Odluke o visini godišnjih stopa otpisa stalne imovine kod budžetskih korisnika MFTBiH, broj:01-08-02-1-8169-1/09 od 23.12.2010. godine, u iznosu od **KM 34.125.**

U skladu sa Instrukcijom za unos i evidentiranje stalnih sredstava u ISFU sistem, broj: 08-02-1-7079-1/12 od 28.08.2012.godine, amortizacija je knjižena na teret izvora stalnih sredstava (klasa 5).

Manjak i rashod

Na prijedlog komisije za popis sredstava i obaveza za 2016.godinu, a na osnovu Odluke direktora Agencije za rad i zapošljavanje BiH, broj: 04-16-5-502-5/16, rashodovana su stalna sredstva: nabavne vrijednost KM 117.276, knjigovodstvene vrijednosti KM 845, kako slijedi:

-Namještaj nabavne vrijednosti KM 1.045 ; knjigovodstvena vrijednost KM 90;

-Kompjuterska oprema nabavne vrijednosti KM 41.964; knjigovodstvena vrijednost KM 427;
-Oprema za prenos podataka i glasa nabavne vrijednosti KM 8.036 ; knjigovodstvena vrijednost KM 328;
-Ostala oprema nabavne vrijednosti KM 540; knjigovodstvena vrijednost KM 0;
-Fotografska oprema nabavne vrijednosti KM 2.998 ; knjigovodstvena vrijednost KM 0;
-Softveri nabavne vrijednosti KM 62.292; knjigovodstvena vrijednost KM 0;
U toku izvještajnog perioda izvršena je prodaja i rashod stalnog sredstva - motornog vozila, nabavne vrijednosti KM 59.999 ; knjigovodstvena vrijednost KM 0.
Ukupna nabavna vrijednost rashodovanih stalnih sredstava iznosi KM 177.275, a neotpisana vrijednost (trošak) iznosi KM 846. Navedeni trošak knjižen je na teret izvora sredstava.

2) Informatička oprema

U izvještajnom periodu izvršena je nabavka informatičke opreme u vrijednosti KM 19.750, te je sada stanje zadovoljavajuće (Detaljno prikazano u Obrascu 6/1-pregled kapitalnih ulaganja po vrstama i projektima).

3) Motorna vozila

Agencija posjeduje dva motorna vozila što je u skladu sa Pravilnikom o uslovima nabavke i načinu korištenja službenih vozila u institucijama BiH („Službeni glasnik BiH“, broj: 26/14, 81/14 i 78/15). Stepen amortizovanosti motornih vozila na dan 31.12.2016. godine je slijedeći:

-Motorno vozilo Škoda FABIA 100 %

-Motorno vozilo Volkswagen Passat 2,0 TDI 7%.

U izvještajnom periodu je, putem licitacije, izvršena prodaja motornog vozila Volkswagen Passat 2,0 TDI (100% otpisano) i ostvaren je prihod od prodaje u iznosu KM 6.980 . Nakon prodaje, izvršena je nabavka novog putničkog motornog vozila marke Volkswagen Passat 2,0 TDI, nabavne vrijednosti KM 49.990. Za nabavku ovog stalnog sredstva iskorišteno je KM 3.000, prihoda ostvarenih prodajom naprijed navedenog, u potpunosti otpisanog, stalnog sredstva.

Detaljno prikazano u Obrascu br.6 i 6/1 datom u prilogu ovog izvještaja.

E) Informacija o sistemu internih kontrola realizovanih u toku godine

Sistem internih kontrola u Agenciji za rad i zapošljavanje Bosne i Hercegovine je funkcionisao u potpunosti i osigurao da su se poštovali zakoni, propisi i interna uputstva i pravila.

Navedenim mjerama osigurana je tačnost i pravilnost evidentiranja finansijskih transakcija, puna usklađenost sa zakonima, ekonomično, efikasno, efektivno i transparentno trošenje javnih sredstava.

F) Korektivne radnje poduzete u cilju realiziranja preporuka revizije iz protekle godine

Ured za reviziju institucija Bosne i Hercegovine izvršio je reviziju finansijskog poslovanja Agencije za 2015. godinu u skladu sa Zakonom o reviziji institucija Bosne i Hercegovine i primjenljivim Okvirom Međunarodnih standarda vrhovnih revizijskih institucija «ISSAI», o čemu je sačinjen Izvještaj o finansijskoj reviziji Agencije za rad i zapošljavanje BiH za 2015. godinu, broj: 01/02/03-07-16-1-719/16 od jula 2016. godine. Mišljenje Ureda u naprijed navedenom Izvještaju je da:

„-Finansijski izvještaji Agencije prikazuju fer u istinito, po svim bitnim pitanjima, stanje imovine i obaveza, prihoda i rashoda na dan 31.12.2015. godine i izvršenje budžeta za godinu koja se završila na navedeni datum u skladu sa prihvaćenim okvirom finansijskog izbještavanja.

-Aktivnosti, finansijske transakcije i informacije prikazane u finansijskim izvještajima Agencije u toku 2015 godine bile su u svim značajnim aspektima usklađene sa odgovarajućim zakonima i drugim propisima“.

Bez izražavanja rezerve na dato mišljenje, Ured je skrenuo je pažnju na realizaciju izdataka za usluge avio prevoza i goriva, koji su realizovani na bazi ugovora koji su važili za 2014.godinu.

U skladu sa preporukama Ureda za reviziju institucija BiH, Agencija je dana 22.08.2016. godine dopisom, broj: 04-16-1-558-11/16 dostavila odgovor na Izvještaj o finansijskoj reviziji Agencije za 2015. godinu, kao i obavijest o preduzetim mjerama za blagovremeno i efikasno obavljanje javnih nabavki.

Osim navedenog, Agencija je u 2016. godini, na osnovu Izvještaja Jedinice za internu reviziju Ministarstva civilnih poslova o reviziji po zahtjevu plata i naknada plata, broj: 04-16-1-314-3/15 od 25.12.2015. godine, sačinila Plan aktivnosti-popunjen Obrazac OB-7.2. za postupanje po preporukama, broj: 04-16-1-314-10/15 od 27.01.2016. godine, sa definisanim odgovornim osobama za provedbu preporuka i krajnjim rokovima za realizaciju istih.

Jedinica za internu reviziju Ministarstva civilnih poslova je u 2016. godini izvršila naknadnu reviziju plata i naknada plata i sačinila Izvještaj o naknadnoj reviziji plata i naknada plata, broj: 13-50-2-1227-SP/15 od 29.07.2016. godine, u kome je konstatovano da je Agencija realizovala svih 12 preporuka.

ZAKLJUČAK

Sve aktivnosti u izvršenju budžeta Agencije za period od 01.01.-31.12.2016. godine realizovane su u skladu sa Zakonom o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), Zakonom o budžetu institucija Bosne i Hercegovine i međunarodnih obaveza Bosne i Hercegovine („Službeni glasnik BiH“, br. 40/15), Pravilnikom o finansijskom izvještavanju institucija Bosne i Hercegovine („Službeni glasnik BiH“, br. 25/15) i Odlukom o internim procedurama stvaranja obaveza u Agenciji za rad i zapošljavanje Bosne i Hercegovine, broj: 04-02-2-10/14 od 09.01.2014. godine.

Izvršenje budžeta po ekonomskim kategorijama je detaljno prikazano u Obrascu br. 2. datom u prilogu ovog Izvještaja, pod nazivom “Pregled rashoda budžeta po ekonomskim kategorijama“.

DIREKTOR
Muamer Bandić
Muamer Bandić, dipl.iur.

U skladu sa članom 22a. stav (1) Zakona o finansiranju institucija Bosne i Hercegovine („Službeni glasnik BiH“, br.61/4, 49/09 i 42/12), u svojstvu rukovodioca institucije,

Muamer Bandić, dipl.iur, dostavljam sljedeću
(Ime i prezime rukovodioca institucije)

IZJAVU

o odgovornosti za ostvarivanje ciljeva institucije
Agencija za rad i zapošljavanje Bosne i Hercegovine
(naziv institucije)

A) Glavni ciljevi utvrđeni Programom rada za 2016. godinu ostvareni su kako slijedi:

Red. broj	Glavni ciljevi utvrđeni Programom rada	Procenat izvršenja
1.	Provoditi aktivnosti na realizaciji „Sporazuma između Vijeća Ministara BiH i Vlade R. Slovenije o zapošljavanju državljana BiH u R. Sloveniji“.	100%
2.	Provoditi aktivnosti na realizaciji Dogovora o posredovanju pri zapošljavanju radnika iz Bosne i Hercegovine u Saveznoj Republici Njemačkoj na poslovima njegovatelja.	100%
3.	Izraditi Prijedlog godišnje kvote za zapošljavanje stranaca u BiH za 2017. i dostaviti ga resornom ministarstvu BiH.	100%
4.	Izraditi izvještaj o izdatim radnim dozvolama u Bosni i Hercegovini za Migracioni profil Bosne i Hercegovine za 2015. godinu.	100%
5.	Izraditi „Izvještaj o politikama zapošljavanja u BiH za 2015. godinu“ i poslati ga Ministarstvu civilnih poslova BiH na dalje postupanje	100%
6.	Koordinirati sa Federalnim zavodom za zapošljavanje, Zavodom za zapošljavanje Republike Srpske i Zavodom za zapošljavanje Brčko distrikta BiH u vezi sa realizacijom Programa ferijalne prakse studenata iz Bosne i Hercegovine u SR Njemačku.	100%
7.	U saradnji sa entitetskim zavodima za zapošljavanje i Zavodom za zapošljavanje Brčko distrikta BiH pratiti realizaciju sporazuma o socijalnom osiguranju između Bosne i Hercegovine i država : Republike Slovenije, Savezne Republike Jugoslavije (Republike Srbije), Savezne Republike Jugoslavije (Crna Gora), Republike Makedonije, Republike Austrije, SR Njemačkom.	100%
8.	Učešće u pregovorima za zaključivanje međunarodnih ugovora u oblasti socijalnog osiguranja za dio nezaposlenosti (Češka Republika, Crna Gora).	100%
9.	Saradnja sa međunarodnim organizacijama i institucijama u oblasti zapošljavanja - provoditi odredbe protokola o bilateralnoj saradnji između Agencije i Zavoda za zapošljavanje Republike Slovenije, Zavoda za zapošljavanje Crne Gore, Zavoda za zapošljavanje Austrije, Hrvatskog zavoda za zapošljavanje, Ureda za zapošljavanje R. Mađarske, Zavoda za zapošljavanje R. Turske i Agencije za zapošljavanje Makedonije.	100%
10.	Učešće u međunarodnim konferencijama, radionicama, seminarima, obukama i simpozijumima organizovanim od strane međunarodnih organizacija i institucija.	100%

Odstupanja ostvarenog od planiranog rezultat je:

B) Sredstva odobrena Budžetom za ostvarivanje utvrđenih ciljeva u ukupnom iznosu od **1.139.000,00KM** utrošena su namjenski, svrsishodno i zakonito prema sljedećoj strukturi:

Red broj	Rashodi	Odobreno budžetom	Izvršeno
1.	Plaća i naknade troškova zaposlenih	919.000,00	905.441,33
2.	Materijalni troškovi	150.000,00	144.275,37
3.	Kapitalna ulaganja	70.000,00	69.740,01
4.	Grantovi	0,00	0,00
	UKUPNO	1.139.000,00	1.119.456,71

Odstupanja izvršenih od odobrenih rashoda rezultat su:

-Odstupanje na poziciji plate i naknade (1,52%) rezultat su planiranja proračuna sa višim koeficijentom minulog staža (rukovodstvo u momentu planiranja proračuna direktor i zamjenik direktora) i primjene nižeg koeficijent minulog staža (aktuelni rukovodioci) i bolovanja preko 30 odnosno 42 dana.

-Odstupanje na poziciji materijalni troškovi (3,82%) rezultat je u najvećoj mjeri otkaza zakupa poslovnog prostora .

- C) Uspostava i provođenje sistema finansijskog upravljanja i kontrole zasnovani su na podlogama iz čl. 33b. i 33c. Zakona o finansiranju institucija Bosne i Hercegovine, i to:
1. Izrađeni su interni propisi o finansijskom upravljanju i kontroli;
 2. Sistem upravljanja i kontrole uspostavljen je u svim organizacionim jedinicama i obuhvata sve programe i procese koje izvršava institucija;
 3. Uspostavljeni sistem finansijskog upravljanja i kontrole osigurava revizorski trag za finansijske i sve druge transakcije koje su izvršene u obračunskom periodu;
 4. Izrađen je izvještaj o finansijskom upravljanju i kontroli za 2016 godinu i dostavljen Centralnoj harmonizacijskoj jedinici Ministarstva finansija i trezora (CHJ) na način i u rokovima koji su propisani podzakonskim aktima na osnovu člana 33c. Stav (2) Zakona o finansiranju institucija Bosne i Hercegovine.

Nisu realizirani ili su djelimično realizirane aktivnosti:

Agencija za rad i zapošljavanje BiH je sačinila i CHJ Ministarstva finansija i trezora BiH dostavila Godišnji izvještaj o finansijskom upravljanju i kontroli za 2016. godinu u kojem su detaljno opisani svi traženi podaci, a Pravilnik o finansijskom upravljanju i kontroli još nije donesen

Datum, 28.02.2017.godine

Rukovodilac institucije

(svojeručni potpis)